

**গণপ্রজাতন্ত্রী বাংলাদেশ সরকার**  
**তথ্য অধিদফতর**  
**বাংলাদেশ সচিবালয়**  
**ঢাকা**

**সংবাদ গতিধারা**

জাতীয় দৈনিকসমূহে প্রকাশিত সংবাদ, সম্পাদকীয় সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ১৯৩/২০১৭-১৮

ঢাকা, বুধবার, ৪ এপ্রিল ২০১৮, ২১ চৈত্র ১৪২৪

- ১। রাষ্ট্রপতি খুলনা যাচ্ছন আজ
- ২। একনেকে ১০ প্রকল্প অনুমোদন  
প্রভাবশালীদের দখল থেকে রাজধানীর খাল উদ্ধারের নির্দেশ প্রধানমন্ত্রীর
- ৩। লক্ষ্যমাত্রা ছাড়িয়ে প্রবৃদ্ধি হবে ৭ দশমিক ৬৫ ভাগ
- ৪। প্রধানমন্ত্রীর সঙ্গে বিএবি নেতাদের সাক্ষাৎ
- ৫। চার দিনের জাতীয় এসএমই মেলা শুরু আজ
- ৬। জাতীয় চলচ্চিত্র দিবসের উদ্বোধন করলেন তথ্যমন্ত্রী
- ৭। রোহিঙ্গা সংকটের সমাধানে ১৬ প্রস্তাবসহ ঢাকা ঘোষণা
- ৮। সারাদেশে নববর্ষের অনুষ্ঠান চলবে বিকাল ৫ টা পর্যন্ত : স্বরাষ্ট্রমন্ত্রী
- ৯। প্রাথমিক সমাপনী পরীক্ষায় বৃত্তি পেয়েছে ৮২ হাজার ৪৭৩ শিক্ষার্থী : গণশিক্ষামন্ত্রী

চলমান পাতা-২

=২=

- ১। রাষ্ট্রপতি খুলনা যাচ্ছন আজ

রাষ্ট্রপতি মোঃ আবদুল হামিদ আজ (৪ এপ্রিল বৃথাবার) খুলনা প্রকৌশল ও প্রযুক্তি বিশ্ববিদ্যালয়ে ঘাস্ছেন। বিকেল তিনটায় তিনি বিশ্ববিদ্যালয়ের তৃতীয় সমাবর্তন অনুষ্ঠানে সভাপতিত্ব করবেন। এরপর মঙ্গা বন্দরের ৬৭তম প্রতিষ্ঠাবার্ষিকী উপলক্ষে মঙ্গা ঘাবেন রাষ্ট্রপতি মোঃ আবদুল হামিদ। এদিন রাত ৮টায় বন্দরের প্রতিষ্ঠাবার্ষিকী উপলক্ষে কেক কাটবেন তিনি। এর আগে বন্দর দিবসের আনুষ্ঠানিক ভাষণ দেবেন রাষ্ট্রপতি। রাষ্ট্রপতি প্রতিষ্ঠাবার্ষিকী উদ্যাপনের পাশাপাশি ডিজিটাল পদ্ধতিতে দুটি প্রকল্পের উদ্বোধন এবং আরও দুটি প্রকল্পের ভিত্তি স্থাপন করবেন। সূত্র-সমকাল (পৃ.২,ক.১), জনকর্ত (শেষ পৃ.,ক.৬)।

## ২। একনেকে ১০ প্রকল্প অনুমোদন

### প্রভাবশালীদের দখল থেকে রাজধানীর খাল উদ্বারের নির্দেশ প্রধানমন্ত্রীর

রাজধানীর জলাবদ্ধতা নিরসনে খাল খননে ৬০১ কোটি ১৬ লাখ টাকার প্রকল্প অনুমোদন দিয়েছে জাতীয় অর্থনৈতিক পরিষদের নির্বাহী কমিটি (একনেক)। হাজারীবাগ, বাইশটকী, কুর্মিটোলা, মাঞ্জা ও বেগুনবাড়ী খালের ভূমি অধিগ্রহণ এবং খনন বা পুনঃখনন শীর্ষক প্রকল্পটি বাস্তবায়নের উদ্যোগ নিয়েছে ঢাকা ওয়াসা। খালের ধারে যেসব অবৈধ স্থাপনা রয়েছে সেগুলো ভেঙে ফেলার নির্দেশনা দিয়েছেন প্রধানমন্ত্রী শেখ হাসিনা। দখলকারীরা প্রভাবশালী হলেও তাদের হাত থেকে খাল দখলমুক্ত করার নির্দেশনা দেওয়া হয়েছে। সভাশেষে পরিকল্পনামন্ত্রী আহ ম মুস্তফা কামাল এ তথ্য জানান। গতকাল (৩ এপ্রিল মঙ্গলবার) রাজধানীর শেরেবাংলা নগরস্থ এনইসি সম্মেলনকক্ষে প্রধানমন্ত্রী শেখ হাসিনার সভাপতিত্বে অনুষ্ঠিত একনেক সভায় ৩ হাজার ৪১৫ কোটি ৯৩ লাখ টাকা ব্যয়ে ১০ প্রকল্প অনুমোদন দেওয়া হয়েছে। সূত্র-ইত্তেফাক (পৃ.১,ক.৪), সংবাদ (শেষপৃ.,ক.১), নিউ মেশন (শেষ পৃ.,ক.৬), ডেইলি সান বিজেনেস পাতা (পৃ.১,ক.৬)।

## ৩। লক্ষ্যমাত্রা ছাড়িয়ে প্রবৃদ্ধি হবে ৭ দশমিক ৬৫ ভাগ

চলতি (২০১৭-১৮) অর্থবছর লক্ষ্যমাত্রা ছাড়িয়ে মোট দেশজ উৎপাদনে (জিডিপি) রেকর্ড ৭ দশমিক ৬৫ শতাংশ প্রবৃদ্ধির প্রাথমিক হিসাব করেছে বাংলাদেশ পরিসংখ্যান ব্যৱৰো। একইসাথে মাথপিছু আয় বেড়ে দাঁড়িয়েছে ১ হাজার ৭৫২ ডলার। গতকাল (৩ এপ্রিল মঙ্গলবার) জাতীয় অর্থনৈতিক পরিষদের নির্বাহী কমিটির (একনেক) সভাশেষে আয়োজিত সংবাদ সম্মেলনে এ তথ্য তুলে ধরেন পরিকল্পনামন্ত্রী আহ ম মুস্তফা কামাল। একনেক সভার শুরুতে প্রধানমন্ত্রী শেখ হাসিনার কাছে প্রতিবেদনটি হস্তান্তর করা হয়। এ সময় প্রধানমন্ত্রী বলেন, দেশের সব শ্রেণির মানুষের সামষ্টিক প্রচেষ্টায় প্রবৃদ্ধির হার বেড়েছে। সূত্র-ইত্তেফাক (পৃ.১,ক.৪), সমকাল (পৃ.১,ক.৫), ফিনানশিয়াল এক্সপ্রেস (পৃ.১,ক.৫), ডেইলি সান বিজেনেস পাতা (পৃ.১,ক.২)।

## ৪। প্রধানমন্ত্রীর সঙ্গে বিএবি নেতাদের সাক্ষাৎ

প্রধানমন্ত্রী শেখ হাসিনার সঙ্গে সাক্ষাৎ করেছেন বাংলাদেশ অ্যাসোসিয়েশন অব ব্যাংকের (বিএবি) নেতারা। বিভিন্ন রাষ্ট্রায়ত্ব ও বেসরকারি ব্যাংকের চেয়ারম্যান, ব্যবস্থাপনা পরিচালক ও প্রধান নির্বাহী কর্মকর্তাসহ বিএবি নেতৃত্বে ও তাদের সহধর্মীরা গতকাল (৩ এপ্রিল মঙ্গলবার) গণভবনের সবুজ চতুরে এ অনুষ্ঠানে যোগ দেন। বিএবির সভাপতি ও এক্সিম ব্যাংকের চেয়ারম্যান নজরুল ইসলাম মজুমদার প্রতিনিধি দলের নেতৃত্বে দেন। প্রধানমন্ত্রী বিকেল ৫টার দিকে অনুষ্ঠানস্থলে পৌঁছে অতিথিদের সঙ্গে শুভেচ্ছা বিনিময় করেন। সূত্র-সমকাল (পৃ.২,ক.৫), সংবাদ (শেষ পৃ.,ক.৫), নিউজ টুডে (পৃ.১,ক.৫), ডেইলি সান (পৃ.১,ক.৮)।

#### ৫। চার দিনের জাতীয় এসএমই মেলা শুরু আজ

দেশের ক্ষুদ্র ও মাঝারি শিল্পের উৎপাদিত পণ্যের প্রচার ও প্রসারের লক্ষ্যে আজ (৪ এপ্রিল বৃহবার ) থেকে শুরু হচ্ছে চার দিনব্যাপী ‘জাতীয় এসএমই মেলা-২০১৮’। চলবে আগামী ৮ এপ্রিল পর্যন্ত। প্রতিদিন সকাল ১০টা থেকে রাত ৮টা পর্যন্ত মেলার কার্যক্রম চলবে। মেলায় কোনো প্রবেশ মূল্য থাকবে না। রাজধানীর আগারগাঁও বঙ্গবন্ধু আন্তর্জাতিক সম্মেলনকেন্দ্রের ‘হল অব ফেম’ এ মেলার উদ্বোধন করবেন প্রধানমন্ত্রী শেখ হাসিনা। এবার এসএমই ফাউন্ডেশন ও এফবিসিসিআই যৌথভাবে জাতীয় পর্যায়ে ৬ষ্ঠ বারের মতো এ ধরনের মেলা’র আয়োজন করা হচ্ছে বলে জানিয়েছেন শিল্পমন্ত্রী আমির হোসেন আয়। গতকাল (৩ এপ্রিল মঙ্গলবার) রাজধানীর মতিবালে শিল্প মন্ত্রণালয়ের সভাকক্ষে এক সংবাদ সম্মেলনে তিনি এসব তথ্য জানান। সূত্র : সংবাদ (পৃ.১৪,ক.৬), বাংলাদেশ টুডে (পৃ.২,ক.৩)।

#### ৬। জাতীয় চলচিত্র দিবসের উদ্বোধন করলেন তথ্যমন্ত্রী

নানা বর্ণাত্য আয়োজনে গতকাল (৩ এপ্রিল মঙ্গলবার) দিনব্যাপী এফডিসি’তে পালিত হয়েছে জাতীয় চলচিত্র দিবস ২০১৮। বিএফডিসির জহির রায়হান কালার ল্যাবের সামনের অস্থায়ী মধ্যে সকাল ১০টায় তথ্য মন্ত্রণালয় ও বিএফডিসি’র পক্ষ থেকে দিবসটির উদ্বোধন করেন তথ্যমন্ত্রী হাসানুল হক ইন্ডু। এ সময় বিএফডিসির চতুরে জাতির পিতা বঙ্গবন্ধু শেখ মুজিবুর রহমানের প্রতিকৃতিতে পুষ্পস্তবক অর্পণ করেন তথ্যমন্ত্রী। উদ্বোধনকালে তথ্যমন্ত্রী বলেন, প্রধানমন্ত্রী শেখ হাসিনার সাহসী পদক্ষেপে যেভাবে বাংলাদেশ ঘূরে দাঁড়িয়েছে, সেভাবে চলচিত্র অঙ্গনও ঘূরে দাঁড়িয়েছে। চলচিত্র অঙ্গনের সকলের চ্যালেঞ্জ ছিল আধুনিক প্রযুক্তি রপ্ত করা, ডিজিটাল পদ্ধতিতে সিনেমা নির্মাণ ও প্রদর্শন করা। চ্যালেঞ্জ ছিল জগ্নি-সন্ত্রাস থেকে দেশের চলচিত্র শিল্পকে উদ্ধার করা। এসব চ্যালেঞ্জ থেকে প্রধানমন্ত্রীর পদক্ষেপে এফডিসি ডিজিটালে পরিণত হয়েছে। সূত্র : সংবাদ (শেষ পৃ.,ক.৬), জনকর্ত (শেষ পৃ.,ক.৫), ডেইলি সান (পৃ.১০,ক.১)।

#### ৭। রোহিঙ্গা সংকটের সমাধানে ১৬ প্রস্তাবসহ ঢাকা ঘোষণা

রোহিঙ্গাদের ওপর চালানো নিপীড়নকে গণহত্যা, গণসহিংসতা, মানবতাবিরোধী অপরাধ এবং জাতিগত নিধনের ঘটনা হিসেবে চিহ্নিত করে ‘ঢাকা ঘোষণা’ দিয়েছে বাংলাদেশসহ সাতটি দেশের প্রতিনিধিরা। ‘রোহিঙ্গা শরণার্থী সংকট : টেকসই সমাধানের লক্ষ্য’ নামক একটি আন্তর্জাতিক সম্মেলনে এ ঘোষণা দেয়া হয়। এতে ১৬টি সুনির্দিষ্ট প্রস্তাব তুলে ধরা হয়েছে। গতকাল (৩ এপ্রিল মঙ্গলবার) ঢাকা বিশ্ববিদ্যালয়ের নবাব নওয়াব আলী চৌধুরী সিনেট ভবনের মূল মিলনায়তনে একশনএইড বাংলাদেশ, ব্র্যাক বিশ্ববিদ্যালয় এবং সেন্টার ফর জেনোসাইড স্টাডিজ’র যৌথ আয়োজনে দুই দিনব্যাপী আন্তর্জাতিক সম্মেলনের সমাপনী দিনে বাংলাদেশ সরকার, সাবেক ও বর্তমান কূটনৈতিক, গবেষক ও ১১টি দেশের প্রতিনিধিরা ঢাকা ঘোষণার সময় উপস্থিত ছিলেন। ‘ঢাকা ঘোষণা’ উপস্থাপনের পর এর উপর বক্তব্য দেন বাংলাদেশ সরকারের প্রধানমন্ত্রীর পররাষ্ট্রবিষয়ক উপদেষ্টা গওহর রিজিভী। তিনি বলেন, মিয়ানমার আন্তর্জাতিক নীতি অনুসারে কাজ করছে না বলেই মূলত সমস্যা সৃষ্টি হচ্ছে। সূত্র : সংবাদ (শেষ পৃ.,ক.৪), জনকর্ত (শেষপৃ.,ক.৬), নিউজ টুডে (পৃ.১,ক.২), ডেইলি স্টার (পৃ.১,ক.৩)।

#### ৮। সারাদেশে নববর্ষের অনুষ্ঠান চলবে বিকাল ৫টা পর্যন্ত : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খাঁন কামাল বলেছেন, সারাদেশে উন্মুক্ত স্থানে নববর্ষের অনুষ্ঠান চলবে সকাল দশটা থেকে বিকাল পাঁচটা পর্যন্ত। তবে রাজধানীর রবীন্দ্র সরোবরে অনুষ্ঠান চলবে সকাল সাতটা থেকে সন্ধ্যা সাতটা পর্যন্ত। নিরাপত্তা পরিস্থিতি বিস্তৃত হওয়ার কোনো আশঙ্কা নেই। পহেলা বৈশাখের অনুষ্ঠানে কোনো মুখোশ ও ভুভুজেলা ব্যবহার করা যাবে না। সার্বিক নিরাপত্তার স্বার্থেই সরকার এ সিদ্ধান্ত নিয়েছে। গতকাল (৩ এপ্রিল মঙ্গলবার) সচিবালয়ে পহেলা বৈশাখের আইনশৃঙ্খলা সংক্রান্ত এক সভাশেষে তিনি এ কথা জানান। সূত্র-ইন্ডিফেক (পৃ.৩,ক.৫), সমকাল (শেষপৃ.,ক.৫), ইন্ডিপেন্ডেন্ট (পৃ.৩,ক.৭), অবজারভার (শেষ পৃ.,ক.৪)।

৯। প্রাথমিক সমাপনী পরীক্ষায় বৃত্তি পেয়েছে ৮২ হাজার ৪৭৩ শিক্ষার্থী : গণশিক্ষামন্ত্রী

পঞ্চম শ্রেণীর প্রাথমিক শিক্ষা সমাপনী পরীক্ষায় এ বছর বৃত্তি পেয়েছে ৮২ হাজার ৪৭৩ জন শিক্ষার্থী। এর মধ্যে মেধা কোটায় ৩২ হাজার ৯৯৮ জন এবং সাধারণ কোটায় বৃত্তি পেয়েছে ৪৯ হাজার ৪৭৫ জন। প্রাথমিক ও গণশিক্ষামন্ত্রী মোস্তাফিজুর রহমান গতকাল (৩ এপ্রিল মঙ্গলবার) নিজ মন্ত্রণালয়ে এক সংবাদ সম্মেলনে এ তথ্য জানান। সূত্র : সংবাদ (শেষ পৃ.,ক.১), ইন্ডেফাক (শেষ পৃ. ক.৬) ইভিপেনডেন্ট (পৃ.১,ক.৪), ডেইলি সান (পৃ.১,ক.১)।

**সম্পাদকীয়**

- ক. যুগান্তর : কয়েকটি বিশেষ পদক্ষেপ নেওয়ার ফলে ২ এপ্রিল শুরু হওয়া ইচএসসি ও সমমানের পরীক্ষার প্রথম দুটি পরীক্ষার প্রশ্ন ফাঁস ঠেকানো সম্ভব হয়েছে উল্লেখ করে বাকী পরীক্ষাগুলোও সুষ্ঠুভাবে সম্পন্ন হবে বলে প্রত্যাশা ব্যক্ত।
- খ. ইভিপেনডেন্ট : যেকোনো মূল্যে চলমান ইচএসসি'সহ সব পাবলিক পরীক্ষার প্রশ্নপত্র ফাঁস হওয়া বন্ধ করাসহ শিক্ষার মান উন্নয়নে সংশ্লিষ্টদের যথাযথ পদক্ষেপ নেওয়ার সুপারিশ।
- গ. সংবাদ : চলতি বছরের প্রথম তিন মাসে ১৭৬ জন মেয়ে শিশু নির্যাতনের শিকার হয়েছে, বাংলাদেশ শিশু অধিকার ফোরাম নামক একটি সংস্থা কর্তৃক এ তথ্য প্রকাশিত হওয়ায় উদ্বেগ প্রকাশ করে এ অবস্থা রোধে নির্যাতনকারীদের দৃষ্টান্তমূলক শাস্তি দেওয়ার দাবি।
- ঘ. সমকাল : বর্ষা আসার আগেই চট্টগ্রামের জলাবন্ধন নিরসনে যথাযথ পদক্ষেপ নেওয়ার সুপারিশ।
- ঙ. যায়যায়দিন : প্রবাসী আয় আমাদের জাতীয় অর্থনীতিকে গতিশীল করতে ভূমিকা পালন করছে উল্লেখ করে প্রবাসী আয়কে আরও এগিয়ে নিতে সর্বাত্মক প্রচেষ্টা অব্যাহত রাখার ওপর গুরুত্বারূপ।
- চ. ডেইলি সান : আসন্ন বর্ষা মৌসুমে রাজধানীকে জলাবন্ধনার হাত থেকে মুক্ত রাখতে রাজধানীর প্রধান পাঁচটি খাল পুনঃখননের সময়োপযোগী সিদ্ধান্তকে স্বাগত জানিয়ে এ উদ্যোগের সফল বাস্তবায়নের প্রত্যাশা।
- ছ. ডেইলি স্টার : রাজধানীর যানজট সমস্যার সমাধানে ঢাকা দক্ষিণ সিটি করপোরেশন ও বিশ্বব্যাংকের উদ্যোগে বিদ্যমান ট্রাফিক লাইট ডিজিটাল ও ম্যানুয়াল উভয়ের সমন্বয়ে পরিচালিত করার পরিকল্পনা যেন ব্যর্থ না হয় সে বিষয়ে সতর্কভাবে কার্যক্রম পরিচালনার আহ্বান।
- জ. নিউ নেশন : মক্ষেতে রোহিঙ্গা সংকট সমাধানে রাশিয়ার সমর্থনের ব্যাপারে বাংলাদেশের পররাষ্ট্রমন্ত্রীর আহ্বানের বিষয় তুলে ধরে ঢাকাকে এ ব্যাপারে সর্বোচ্চ প্রচেষ্টা চালানোর আহ্বান।
- ঝ. অবজারভার : ইউনেস্কোর সবার জন্য শিক্ষা এ লক্ষ্যমাত্রা বাস্তবায়নে বাংলাদেশকে শিক্ষা ব্যবস্থায় প্রয়োজনীয় পরিবর্তন এনে এ খাতকে সুরক্ষিত করার ওপর গুরুত্বারূপ করে সম্পাদকীয় প্রকাশ।

**উপসম্পাদকীয়**

যায়যায়দিন পত্রিকায় প্রকাশিত কলামে উল্লেখ করা হয়েছে, নারীর প্রতি নির্যাতন প্রতিরোধে সমাজের সবাইকে সোচ্চার হতে হবে।

**নিবন্ধ ও ফিচার**

সংবাদ পত্রিকায় প্রকাশিত 'অটিজমে সচেতন হতে হবে' শিরোনামের নিবন্ধে অভিমত প্রকাশ করা হয়েছে যথাযথ শিক্ষা ও প্রশিক্ষণের ব্যবস্থা করা গেলে অটিজমে আক্রান্ত শিশুরা সমাজের সম্পদে পরিণত হবে।

#

